



ORDENANZA FISCAL Nº 10 REGULADORA DA TAXA POR RECOLLIDA DE REFUGALLOS SÓLIDOS URBANOS.

ARTIGO 1. FUNDAMENTOS E NATUREZA.

No uso das facultades concedidas pola Lei reguladora das facendas locais, este Concello establece a taxa por recollida de lixo, que se rexerá pola presente ordenanza fiscal.

ARTIGO 2. FEITO IMPOÑIBLE.

1. Constitúe o feito impoñible da taxa a prestación do servizo de recepción obrigatoria de recollida de lixo domiciliaria e refugallos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos.

2. Para tal efecto, consideráse lixo domiciliario e refugallos sólidos urbanos os restos e desperdicios de alimentación ou detritos procedentes da limpeza normal de locais ou vivendas e exclúense de tal concepto os refugallos de tipo industrial, cascallos de obras, detritos humanos, materias e materiais contaminados, corrosivos, perigosos ou se a recollida ou vertido esixe a adopción de especiais medidas hixiénicas, profilácticas ou de seguridade.

3. Non está suxeita á taxa a prestación, de carácter voluntario e a instancia de parte, dos seguintes servizos:

- a) Recollida de lixo e refugallos non cualificados de domiciliarios e urbanos de industrias, hospitais e laboratorios.
- b) Recollida de escouras e cinzas de calefaccións centrais.
- c) Recollida de cascallos de obras.

ARTIGO 3. SUXEITOS PASIVOS.

1. Son suxeitos pasivos contribuíntes as persoas físicas ou xurídicas e as entidades ás que se refire a Lei xeral tributaria, que ocupen ou utilicen as vivendas e locais emprazados nos lugares, prazas, rúas ou vías públicas nas que se preste o servizo, e as que sexan susceptibles de ser utilizadas temporal o permanentemente xa sexa a título de dono ou de usufrutuario, habitacionista, arrendatario ou incluso de precario

2. Terá a consideración de suxeito pasivo substituto do contribuínte o dono das vivendas ou locais, que poderá repercutir, no seu caso, as cotas satisfeitas sobre os usuarios daquelas, beneficiarios do servizo.

3. Entenderase como vivenda susceptible de ser habitada aquela que dispoña do correspondente certificado de habitabilidade ou, no seu defecto, dos servizos que posibilitan a súa ocupación: subministración de enerxía eléctrica e redes de abastecemento de auga e saneamento, no seu caso.

ARTIGO 4. RESPONSABLES.

1. Responderán solidariamente das obrigacións tributarias do suxeito pasivo as persoas físicas e xurídicas ás que se refiren a Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala a Lei xeral tributaria.

ARTIGO 5. BENEFICIOS FISCAIS.



Gozarán de bonificación do 75 %:

- As unidades familiares de 1-2 membros que non alcancen o 100% do IPREM (*), unha vez deducidos os custos de alugamento ou hipoteca da vivenda.
- As unidades familiares de 2-4 membros que non alcancen o 120% do IPREM (*), unha vez deducidos os custos de alugamento ou hipoteca da vivenda.
- As unidades familiares superiores a 4 membros que non alcancen o 150% do IPREM (*), unha vez deducidos os custos de alugamento ou hipoteca da vivenda.

(*). En aplicación do Real decreto – Lei 3/2004, a referencia ao IPREM vén determinada pola contía anual con inclusión das pagas extraordinarias.

Para o cómputo da renda teranse en conta os datos correspondentes á última declaración fiscal dispoñible ou pensión coñecida, así como calquera outro ingreso da unidade de convivencia.

Esta bonificación unicamente poderá ter lugar para a que sexa a vivenda familiar habitual.

Prazos:

O prazo para solicitar a bonificación para todo o ano abarcará dende o 2 ata o 31 de xaneiro.

Abrirase un segundo prazo (prórroga do anterior) dende o 1 ata o 15 de xullo para bonificacións do segundo semestre do ano.

COTA TRIBUTARIA.

1. A cota tributaria consistirá nunha cantidade fixa, por unidade de local, que se determinará en función da natureza e destino dos inmobles.

2. Para tal efecto, aplicarase a seguinte tarifa:

A) Nas rúas nas que a recollida de refugallos se faga en días alternos.	Mes
a) Para lixo de carácter doméstico de vivenda	7,02 €/mes
b) Para lixo e refugallos de comercios, tendas, panaderías, oficinas e bancos	19,69 €/mes
c) Para lixo e regullados de talleres mecánicos	31,82 €/mes
d) Para lixo e refugallos procedentes de industrias, bares, cafés, restaurantes, supermercados de menos de 120 m2.	31,61 €/mes
e) Para lixo e refugallos procedentes de supermercados de máis de 120 m2 e moblarías e comercios de vendas por xunto.	64,19 €/mes
f) Hoteis e hostais de menos de 3 estrelas	2,64 €/hab/mes
g) Hoteis e hostais de 3 estrelas ou máis.	3,95 €/hab/mes
h) Residencias xeriátricas.	1,09 €/hab/mes
B) Nas rúas nas que a recollida de refugallos se faga a diario:	
a) Para refugallos de carácter doméstico de vivendas	8,47 €/mes
b) Para lixo e refugallos de comercios, tendas, panadarías, oficinas, e bancos	23,71 €/mes



c) Para lixo e regullados de talleres mecánicos	38,56 €/mes
d) Para lixo e refugallos procedentes de industrias, bares, cafés, restaurantes, supermercados, de menos de 120 m2	38,56 €/mes
e) Para lixo e refugallos procedentes de supermercados de máis de 120 m2 e moblarías e comercios de vendas por xunto.	75,79 €/mes
f) Para lixo e refugallos procedentes de supermercados de máis de 400 m2	504,65 €/mes
g) Centros de comercio mixto, grandes almacéns, hipermercados, economatos e cooperativas de consumo de máis de 2.500 m2	2.830,10 €/mes
h) Hoteis e hostais de menos de 3 estrelas	2,64 €/hab/mes
i) Hoteis e hostais de 3 estrelas ou máis	3,95 €/hab/mes
j) Residencias xeriátricas.	1,09 €/hab/mes
C) Nas zonas do concello onde non estea establecido o servizo de auga e/ou rede de sumidoiros, anualmente o importe será:	
a) Para recollida de lixo de carácter doméstico de vivendas	85,08 €/ano
b) Para recollida de lixo de tendas e comercios de venda polo miúdo	238,70 €/ano
c) Para recollida de lixo de talleres mecánicos	654,86 €/ano
d) Para recollida de lixo de bares, cafés, restaurantes, supermercados de menos de 120 m2	383,33 €/ano
e) Para lixo e refugallos procedentes de supermercados de máis de 120 m2, matadoiros, moblarías e comercios de venda por xunto	654,86 €/ano
f) Hoteis e hostais de menos de 3 estrelas	31,56 €/hab/ano
g) Hoteis e hostais de 3 estrelas ou máis.	47,33 €/hab/ano
h) Residencias xeriátricas (tarifa única)	13,15 €/hab/ano
D) POLIGONOS INDUSTRIAIS E SOLO URBANO INDUSTRIAL	
a) Establecementos de 120 a 250 m2	103,10 €/mes
b) Establecementos de 250 a 500 m2	120,63 €/mes
c) Establecementos de 500 m2 a 1500	138,15 €/mes
d) Establecementos de 1500 a 5000 m2	154,65 €/mes
e) Establecementos de mais de 5000 m2	171,82 €/mes
E) Polo tratamento de residuos sólidos urbanos para grandes áreas de distribución e almacenaxe de máis de 10.000 m2	
	61,86 €/tonelada tratada



Nos establecementos hoteleros aboarase, ademais da tarifa que lles corresponda, a cantidade de **2,64** ou **3,95** euros por habitación e mes ou **31,56** ou **47,33** euros por habitación e ano segundo o número de estrelas.

Cando no mesmo establecemento coexistan varias actividades, aplicarase exclusivamente a taxa de maior importe.

No apartado D) POLIGONOS INDUSTRIAIS E SOLO URBANO INDUSTRIAL , incluíranse todas as empresas a excepción de: talleres, supermercados, centros de comercio mixto, grandes almacéns, hipermercados, economatos e cooperativas de consumo. Aos cales lle corresponderá as tarifas do apartado B).

ARTIGO 6. REMUNERACIÓN.

1. Percíbese a taxa e nace a obriga de contribuír desde o intre en que se inicie a prestación do servizo, entendéndose iniciada, dada a súa natureza de recepción obrigatoria, cando estea establecido e en funcionamento o servizo municipal de recollida de lixo domiciliaria nas rúas ou lugares onde figuren as vivendas ou locais utilizados polos contribuíntes suxeitos á taxa.

2. Establecido e en funcionamento o referido servizo, as cotas percibiranse o primeiro día de cada mes natural, salvo que a remuneración da taxa se producise con posterioridade a esta data, caso no que se percibirá a primeira cota o primeiro día de cada mes seguinte.

ARTIGO 7. DECLARACIÓN E INGRESO.

1. Dentro dos trinta días hábiles seguintes á data na que se perciba por vez primeira a taxa, os suxeitos pasivos formalizarán a súa inscrición no padrón, presentado, para o efecto, a correspondente declaración de alta e ingresando simultaneamente a cota do primeiro trimestre.

2. Cando se coñeza, xa de oficio ou por comunicación dos interesados calquera variación dos datos que figuran no padrón, levaranse a cabo neste as modificacións correspondentes, que causarán efectos a partir do período de cobramento seguinte ao da data en que se tivese efectuado a declaración.

3. O cobro das cotas efectuarase trimestralmente mediante recibo derivado do padrón.

4. Na zona rural:

a. Na zona rural xirarase o importe da taxa por recollida de lixo, no mesmo recibo de carácter trimestral no que se inclúen as taxas polos servizos de auga e rede de sumidoiros. Nas vivendas ou empresas da zona rural que non dispoñan de servizo de abastecemento e/ou saneamento xirarase o importe por recollida de lixo da mesma forma, incluíndo as taxas polos servizos de auga e saneamento unha vez que dispoñan dos mesmos.

b. Na zona rural onde non estean establecidos os servizos de auga e rede de sumidoiros, o cobro das cotas efectuarase anualmente mediante recibo derivado de padrón. No caso de alta ou baixa no servizo prorratearase mensualmente a taxa.

INFRACCIÓNS E SANCIÓN.

En todo o relativo á cualificación de infraccións tributarias, así como das sancións que a elas correspondan en cada caso, estarase ao disposto na Lei xeral tributaria.

DISPOSICIÓN FINAL.



A presente ordenanza fiscal entrará en vigor o día da súa publicación no Boletín Oficial da Provincia, e comezará a aplicarse a partir do día 1 de xaneiro de 2012, permanecendo en vigor ata a súa modificación ou derogación expresa.